

TH

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Sužbene novine Zeničko-dobojskog kantona“, broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 101. sjednici, održanoj 03.07.2017. godine, d o n o s i

ZAKLJUČAK

I.

Utvrđuje se Prijedlog Zakona o izmjeni Zakona o Javnoj ustanovi Univerzitet u Zenici.

II.

Prijedlog Zakona iz tačke I. ovog zaključka upućuje se u dalju skupštinsku proceduru, po skraćenom postupku.


III.

Zaključak stupa na snagu danom donošenja.

Broj: 02- 02-9699 /17.
Datum, 03.07.2017. godine
Zenica

DOSTAVLJENO:

- 1 x Ministarstvo za obrazovanje, nauku, kulturu i sport,
- 1 x Stručna služba Skupštine,
- 1 x a/a.



PRIJEDLOG

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na _____sjednici, održanoj _____ 2017. godine, donosi

ZAKON o izmjeni Zakona o Javnoj ustanovi Univerzitet u Zenici

Član 1. (Izmjena člana 6. – Organizacione jedinice Univerziteta u Zenici)

U Zakonu o Javnoj ustanovi Univerzitet u Zenici („Službene novine Zeničko-dobojskog kantona“, broj: 6/05, 11/06, 6/09, 10/11, 16/11, 15/12, 13/13 i 6/16), u članu 6., stav 1., alineja 1., riječi: „Fakultet za metalurgiju i materijale“ zamjenjuju se riječima: „Metalurško-tehnološki fakultet“.

Član 2. (Prečišćeni tekst)

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o Javnoj ustanovi Univerzitet u Zenici.

Član 3. (Stupanje na snagu)

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01 _____/17.
Datum,
Zenica

PREDSJEDAVAJUĆI

Jasmin Duvnjak

*FC
BZ*

Obrazloženje

Pravni osnov

Pravni osnov za donošenje ovog zakona sadržan je u članu 37. stav 1. tačka f) Ustava Zeničko-dobojskog kantona.

Razlozi za donošenje

Razlozi za donošenje ovog zakona proizilaze iz obaveze usklađivanja sa donesenom Odlukom Skupštine Zeničko-dobojskog kantona o promjeni naziva Fakulteta za metalurgiju i materijale u Metalurško-tehnološki fakultet Univerziteta u Zenici, broj: 01-38-7081/17 od 08.05.2017. godine.

Uzimajući u obzir da je Zakon o Javnoj ustanovi Univerzitet u Zenici ujedno i osnivački akt te ustanove, a s obzirom da je Skupština Zeničko-dobojskog kantona donijela Odluku o promjeni naziva Fakulteta za metalurgiju i materijale u Metalurško-tehnološki fakultet Univerziteta u Zenici te u cilju preregistracije Univerziteta u Zenici i donošenja odluke o izmjeni Statuta Univerziteta u Zenici, predlažemo da se dostavljeni Prijedlog Zakona o izmjeni Zakona o JU Univerzitet u Zenici, koji nije obiman, razmatra po skraćenom postupku.

Finansijski pokazatelji

Iz dostavljene Izjave o fiskalnoj odgovornosti, IFP-NE, proizilazi da za primjenu navedenog Zakona u 2017. godini nisu potrebna dodatna sredstva u budžetu Kantona za 2017. godinu.

Stoga predlažemo usvajanje Prijedloga Zakona po skraćenom postupku.



Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA
PRAVOSUĐE I UPRAVU



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF
JUDICIARY & ADMINISTRATION

Ministarstvo za obrazovanje, nauku, kulturu i
sport
n/r ministra
-ovdje-

Zenica, 29.5.2017. godine

Veza Vaš broj: 10-02-7869/17 od 24.5.2017.

Naš znak: 06/02 -02-7869 -1/17

**PREDMET: Prijedlog Zakona o izmjeni Zakona o Javnoj ustanovi Univerzitet u Zenici -
stajalište, dostavlja se**

Sukladno članku 11. Zakona o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), a u svezi s člankom 31. stavak 1. točka b), Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11) u roku utvrđenom stavkom 2. istog članka, Ministarstvo za pravosuđe i upravu Zeničko-dobojskog kantona u postupku utvrđivanja usklađenosti Prijedlog Zakona o izmjeni Zakona o Javnoj ustanovi Univerzitet u Zenici, dostavljenog aktom Ministarstva za obrazovanje, nauku, kulturu i sport, broj: 10-02-7869/17 od 24.5.2017. godine, sa:

- Europskom konvencijom o zaštiti ljudskih prava i sloboda i drugim pravima;
- Zakonom o prekršajima u Federaciji Bosne i Hercegovine („Službene novine Federacije Bosne i Hercegovine“, broj: 63/14);
- Zakonom o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05) i
- Zakonom o kantonalnim ministarstvima i drugim tijelima kantonalne uprave („Službene novine Zeničko-dobojskog kantona“, broj: 10/15), daje, sljedeće

stajalište

Ministarstvo za pravosuđe i upravu Zeničko-dobojskog kantona s aspekta svoje mjerodavnost, nema primjedbi na dostavljeni Prijedlog Zakona o izmjeni Zakona o Javnoj ustanovi Univerzitet u Zenici.

S obzirom na naprijed navedeno, stajališta smo da se akt može uputiti u dalju procedure usvajanja.

S poštovanjem,

Dostavljeno:

1 x Naslovu

1 x U pismohranu



MINISTAR

Milnes Bašić



58110
3865
04/4

Broj: 07-02/02-7869/17
Zenica, 01.06.2017. godine

MINISTARSTVO ZA OBRAZOVANJE, NAUKU, KULTURU I SPORT

PREDMET: Mišljenje na Prijedlog Zakona o izmjeni Zakona
o Javnoj ustanovi Univerzitet u Zenici - *dostavlja se*

Ministarstvo finansija je razmotrilo Prijedlog Zakona o izmjeni Zakona o Javnoj ustanovi Univerzitet u Zenici, te u skladu sa članom 8. Pravilnika o proceduri izrade izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, broj: 34/16) i članom 31. stav (1) tačka c) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 5/11), u pogledu finansijskih sredstava potrebnih za izvršenje ovog propisa, odnosno o fiskalnoj procjeni propisa, daje slijedeće

MIŠLJENJE

Članom 5. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15 i 104/16), propisano je da „propisi koji imaju finansijske posljedice na budžet moraju biti obrazloženi, odnosno opravdani analizom troškova i koristi“.

U Obrazloženju Prijedloga Zakona o izmjeni Zakona o Javnoj ustanovi Univerzitet u Zenici, navedeno je da „iz dostavljene Izjave o fiskalnoj odgovornosti, IPF-NE, proizilazi da za primjenu navedenog Zakona u 2017. godini nisu potrebna dodatna sredstva u budžetu Kantona za 2017. godinu.“

U dostavljenoj Izjavi o fiskalnoj procjeni – Obrazac IFP-NE od 30.05.2017. godine, navedeno je da „prihvatanje predloženog Zakona o izmjeni Zakona o Javnoj ustanovi Univerzitet u Zenici nema i neće rezultirati fiskalnim učinkom“.

Imajući u vidu navedeno Obrazloženje Prijedloga Zakona i dostavljenu Izjavu o fiskalnoj procjeni, Ministarstvo finansija nema primjedbi iz svoje nadležnosti.

S poštovanjem!

Dostavljeno:

1x Naslovu,
1x a/a.

MINISTAR

Andrej Kajić





Broj: 03-02-7869-1/17
Zenica, 20.06.2017. godine

**MINISTARSTVO ZA OBRAZOVANJE,
NAUKU, KULTURU I SPORT
ZENIČKO-DOBOJSKOG KANTONA**

**PREDMET: Mišljenje o prijedlogu Zakona o izmjeni Zakona o Javnoj ustanovi
Univerzitet u Zenici - dostavlja se**

U skladu sa članom 2. Uredbe o Sekretarijatu za zakonodavstvo Vlade Zeničko – dobojskog kantona («Službene novine Federacije BiH» broj 8/96 i «Službene novine Zeničko – dobojskog kantona» broj: 2/05) i članom 31. stav (1) tačka a) Poslovnika o radu Vlade Zeničko-dobojskog kantona ("Službene novine Zeničko – dobojskog kantona" broj: 5/11), te na osnovu uvida u tekst prijedloga Zakona o izmjeni Zakona o Javnoj ustanovi Univerzitet u Zenici u postupku koji se odnosi na utvrđivanje usklađenosti istog sa Ustavom, pravnim sistemom i metodološkim jedinstvom u izradi propisa dostavljamo vam slijedeće

MIŠLJENJE


Ustavni i pravni osnov prijedloga Zakona o izmjeni Zakona o Javnoj ustanovi Univerzitet u Zenici je pravilno utvrđen, u skladu sa ustavnim i zakonskim ovlaštenjima Kantona.

Prijedlog Zakona je urađen u skladu sa Jedinstvenim pravilima za izradu pravnih propisa u Zeničko-dobojskom kantonu („Službene novine Zeničko-dobojskog kantona“ broj 5/08.)

Prijedlog Ministarstva za obrazovanje, nauku, kulturu i sport, kao obrađivača, da se Zakon pretresa po skraćenom postupku, bez nacrtu, je osnovan, s obzirom da nije u pitanju složen i obiman zakon i u skladu je sa članom 140. stav 1. Poslovnika Skupštine Zeničko-dobojskog kantona – Novi prečišćen tekst ("Službene novine Zeničko-dobojskog kantona" broj 7/12 i 12/13).

Imajući u vidu naprijed navedeno, te usaglašavanja provedena između Sekretarijata za zakonodavstvo i Ministarstva za obrazovanje, nauku, kulturu i sport, mišljenja srno da se prijedlog Zakona može uputiti u dalju proceduru.

Dostavljeno:
(1 x Naslovu,
1 x arh.)



SEKRETAR
[Signature]
Berjana Ačkar

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

Razdjel	KOD	NAZIV
	22040010	JU UNIVERZITET U ZENICI

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	ZAKON O IZMJENI ZAKONA O JAVNOJ USTANOVI UNIVERZITET U ZENICI.					

C 3. Izjava o nepostojanju dodatnih fiskalnih efekata predloženog propisa

PRIHVATANJE PREDLOŽENOG ZAKONA O IZMJENI ZAKONA O JAVNOJ USTANOVI UNIVERZITET U ZENICI NEMA I NEĆE REZULTIRATI FISKALNIM UČINKOM.

D 4. Pečat i potpis odgovornog lica

Mjesto i datum

30.05.2017.





SLUŽBENE NOVINE

ZENIČKO - DOBOJSKOG KANTONA

Godina X - Broj 6

ZENICA, Petak 27. 05. 2005.

112.

Na osnovu člana 37. tačka f. Ustava Zeničko-dobojskog kantona, Skupština Zeničko-dobojskog kantona na XXIX sjednici, održanoj 28.04.2005. godine, donosi:

ZAKON O JAVNOJ USTANOVU UNIVERZITET U ZENICI

I OPĆE ODREDBE

Član 1.

Ovim zakonom Skupština Zeničko-dobojskog kantona (u daljem tekstu: Skupština Kantona) osniva Javnu ustanovu Univerzitet u Zenici (u daljem tekstu: Univerzitet) i uređuju se međusobna prava i obaveze osnivača i Univerziteta.

Prava i obaveze osnivača, koja se odnose na osnivanje Univerziteta, statusne promjene i usvajanje izvještaja o radu Univerziteta vrši Skupština Kantona, a ostala prava i obaveze osnivača vrši Vlada Zeničko-dobojskog kantona (u daljem tekstu: Vlada Kantona) u ime Skupštine Kantona u skladu sa ovim zakonom.

II PRAVNI POLOŽAJ, NAZIV I SJEDIŠTE

Član 2.

Javna ustanova Univerzitet u Zenici posluje pod nazivom:

"Javna ustanova Univerzitet u Zenici - Universitas studiorum Zenicaensis".

Skraćeni naziv Javne ustanove Univerzitet u Zenici je: "Univerzitet u Zenici".

Član 3.

Sjedište Univerziteta je u Zenici, ulica Fakultetska broj 3.

Član 4.

Univerzitet ima svojstvo pravnog lica.

U pravnom prometu nastupa samostalno, u svoje ime i za svoj račun.

Član 5.

Univerzitet je pravni sljedbenik Javne ustanove Univerzitet u Zenici, upisanog kod Kantonalnog suda Zenica u reg. ulošku broj: U/I-91/2001., od 02. 02. 2001.

godine, i visokoškolskih ustanova:

- Javna ustanova Fakultet za metalurgiju i materijale u Zenici, upisan kod Kantonalnog suda Zenica u reg. ulošku broj: U/I-1070/99., od 14. 12. 1999. godine,
- Javna ustanova Mašinski fakultet u Zenici, upisan kod Kantonalnog suda Zenica u reg. ulošku broj: U/I-801/96., od 20. 12. 1996. godine,
- Javna ustanova Pedagoški fakultet u Zenici, upisan kod Kantonalnog suda Zenica u reg. ulošku broj: U/I-717/97., od 15. 07. 1994. godine,
- Javna ustanova Studentski centar u Zenici, upisan kod Kantonalnog suda Zenica u reg. ulošku broj: U/I- 63/05. od 26. 01. 2005. godine.

Član 6.

Univerzitet će se upisati u sudski registar kao javna ustanova sa organizacionim jedinicama u svom sastavu i to:

- Fakultet za metalurgiju i materijale u Zenici,
- Mašinski fakultet u Zenici,
- Pedagoški fakultet u Zenici i
- Studentski centar u Zenici.

Organizacione jedinice Univerziteta nemaju svojstvo pravnog lica.

Član 7.

Organizacione jedinice Univerziteta imaju određena ovlaštenja u pravnom prometu, kao i poseban obračun rezultata poslovanja, u skladu sa zakonom, ovim zakonom i Pravilima Univerziteta.

Organizacione jedinice Univerziteta, u pravnom prometu, imaju ovlaštenja u okviru upisane djelatnosti i sredstava koja se vode na podračunu organizacione jedinice.

Fakulteti imaju ovlaštenja u pravnom prometu u obavljanju naučnoistraživačkog rada i permanentnog obrazovanja.

U pravnom prometu organizacione jedinice istupaju pod nazivom Univerziteta i svojim nazivom.

Član 8.

Pravilima Univerziteta bliže će se urediti naziv, sjedište, djelatnost i ovlaštenja u pravnom prometu organizacionih jedinica Univerziteta, u skladu sa Zakonom o visokom obrazovanju i ovim zakonom.

Član 9.

Univerzitet ima pečat okruglog oblika prečnika 50

mm, sa slijedećim tekstom:

"Univerzitet u Zenici-Universitas studiorum Zenicaensis", sa znakom Univerziteta u sredini pečata.

Univerzitet ima mali pečat, prečnika 25 mm, istog oblika i sadržaja.

Broj pečata, sa oznakom broja svakog pečata, utvrdit će se posebnim aktom Univerziteta.

Univerzitet ima suhi žig za ovjeru diploma i drugih odgovarajućih dokumenata, sa oblikom, veličinom i sadržajem, iz stava 1. ovog člana.

Član 10.

Organizaciona jedinica Univerziteta ima pečat u skladu sa Pravilima Univerziteta.

Pečat organizacione jedinice sadrži tekst pečata Univerziteta i naziv organizacione jedinice.

Član 11.

Pridružena članica Univerziteta je Islamska pedagoška akademija u Zenici. Odnosi između Univerziteta i Islamske pedagoške akademije uredit će se posebnim ugovorom.

III DJELATNOST

Član 12.

Djelatnost Univerziteta je:

- Visoko i više obrazovanje;
- Izdavanje knjiga;
- Izdavanje časopisa i periodičnih publikacija;
- Ostala izdavačka djelatnost;
- Pružanje savjeta o računarskoj opremi (hardwareu);
- Savjetovanje i ponuda programske opreme (softwarea);
- Obrada podataka;
- Izrada i upravljanje bazama podataka;
- Istraživanje i eksperimentalni razvoj u prirodnim naukama;
- Istraživanje i eksperimentalni razvoj u tehničkim i tehnološkim naukama;
- Istraživanje i eksperimentalni razvoj u društvenim naukama;
- Istraživanje i eksperimentalni razvoj u humanističkim naukama;
- Istraživanje tržišta i ispitivanje javnog mnijenja;
- Savjetovanje u vezi s poslovanjem i upravljanjem;
- Arhitektonske i inženjerske djelatnosti i tehničko savjetovanje;
- Tehničko ispitivanje i analiza;
- Ostalo obrazovanje, na drugom mjestu nepomenuto;
- Studentški domovi (centri);
- Umjetničko i književno stvaralaštvo i scensko izvođenje (reproduktivna djelatnost);
- Rad sportskih objekata;
- Kantine (menze) za sopstvene potrebe;

IV IMOVINA I SREDSTVA

Član 13.

Sredstva za osnivanje i početak rada Univerziteta čini ukupni iznos stalnih i novčanih sredstava fakulteta iz

člana 5. ovog zakona, Studentskog centra u Zenici i Univerziteta u Zenici iskazan u bilansima stanja na dan 31.12.2004. godine.

Član 14.

Imovinu Univerziteta čine stvari, novac i prava koja su fakulteti, iz člana 5. ovog Zakona, Studentski centar u Zenici i Univerzitet u Zenici stekli do dana upisa Univerziteta u sudski registar.

Član 15.

Sredstva za rad Univerziteta osiguravaju se iz budžeta Kantona, naknada za obavljanje usluga i drugih izvora, u skladu sa zakonom.

Kriterije za raspored sredstava, koja Univerzitet ostvaruje iz budžeta Kantona, na organizacione jedinice Univerziteta, utvrđuje resorno Ministarstvo, na prijedlog Upravnog odbora Univerziteta, uz pribavljeno mišljenje Senata Univerziteta.

Univerzitet može sticati sredstva za rad i učešćem u zajedničkom prihodu, kojeg ostvari udruživanjem sredstava ili ulaganjem sa ciljem razvoja djelatnosti.

Član 16.

Višak prihoda nad rashodima Univerzitet koristi za obnavljanje i razvoj djelatnosti, uz saglasnost osnivača.

Višak rashoda nad prihodima Univerzitet pokriva do visine sredstava kojima raspolaže.

Univerzitet za preuzete obaveze odgovara sredstvima kojima raspolaže.

V UPRAVLJANJE

Član 17.

Organ upravljanja Univerziteta je Upravni odbor, koji broji sedam članova, od kojih je jedan predsjednik.

Predsjednika i članove Upravnog odbora, imenuje i razrješava Vlada Kantona u skladu sa zakonom.

Predsjednik i članovi Upravnog odbora imenuju se na period od četiri godine sa mogućnošću još jednog uzastopnog izbora.

Rektor i članovi Senata ne mogu biti članovi Upravnog odbora.

Član 18.

Upravni odbor se sastoji od:

" tri člana iz reda nastavnika, izabраниh u naučno-nastavna i naučno-umjetnička zvanja, koji su u radnom odnosu na Univerzitetu, na prijedlog Senata Univerziteta i

" četiri člana iz reda osnivača.

Član 19.

Upravni odbor Univerziteta je nadležan da:

" donosi Pravila Univerziteta, opći akt o unutrašnjoj organizaciji i sistematizaciji radnih mjesta i druge opće akte u skladu sa zakonom i Pravilima Univerziteta,

" donosi odluku o osnivanju drugih organizacionih jedinica, u skladu sa zakonom i Pravilima Univerziteta, uz saglasnost osnivača,

- imenuje i razrješava rektora, prorektore i dekane fakulteta na osnovu konkursa koji se objavljuje u javnim glasilima uz prethodno pribavljeno mišljenje Senata, odnosno naučno-nastavnog vijeća fakulteta,
- imenuje i razrješava direktore drugih organizacionih jedinica na osnovu konkursa koji se objavljuje u sredstvima javnog informisanja,
- utvrđuje planove rada i razvoja,
- donosi godišnji program rada Univerziteta,
- donosi finansijski plan i usvaja godišnji obračun,
- usmjerava, kontroliše i ocjenjuje rad rektora,
- rješava pitanja odnosa sa osnivačem,
- odlučuje o korištenju sredstava preko iznosa utvrđenog Pravilima Univerziteta,
- odgovara osnivaču za rezultate rada Univerziteta,
- odlučuje o prigovoru zaposlenika na odluke organa Univerziteta koji su u prvom stepenu odlučivali o pravima, obavezama i odgovornostima zaposlenika iz radnog odnosa,
- usvaja izvještaj o finansijskom poslovanju,
- predlaže osnivaču promjenu ili proširenje djelatnosti,
- obavlja i druge poslove, u skladu sa zakonom i općim aktima Univerziteta.

Upravni odbor podnosi izvještaj o radu Univerziteta osnivaču po potrebi, a najmanje jedanput godišnje.

VI RUKOVOĐENJE

Član 20.

Organ rukovođenja Univerziteta je rektor.

Rektor se imenuje na period od dvije godine, sa mogućnošću još jednog uzastopnog izbora.

Imenovanju rektora pristupa se nakon provedene konkursne procedure.

Rektora Univerziteta na prijedlog Senata Univerziteta, imenuje Upravni odbor Univerziteta, uz prethodnu saglasnost osnivača.

Član 21.

Rektor Univerziteta obavlja poslove utvrđene zakonom i Pravilima Univerziteta, a naročito:

- zastupa i predstavlja Univerzitet,
- organizuje i rukovodi radom Univerziteta i odgovoran je za zakonitost rada Univerziteta,
- donosi opće i pojedinačne akte u skladu sa zakonom i Pravilima Univerziteta,
- predlaže Upravnom odboru i Senatu Univerziteta mjere za unapređenje rada Univerziteta,
- predlaže Upravnom odboru mjere za efikasno i zakonito obavljanje djelatnosti Univerziteta,
- predlaže osnove planova rada i razvoja Univerziteta,
- predlaže Upravnom odboru unutrašnju organizaciju i sistematizaciju radnih mjesta,
- izvršava odluke Upravnog odbora i drugih organa Univerziteta,
- predlaže Upravnom odboru kandidate za prorektore Univerziteta i dekane fakulteta uz prethodno pribavljeno mišljenje Senata Univerziteta, odnosno naučno-nastavnih vijeća fakulteta,
- predlaže Upravnom odboru kandidate za direktore drugih organizacionih jedinica Univerziteta,

- odlučuje o korištenju sredstava do iznosa utvrđenog Pravilima Univerziteta,
- odlučuje o pravima, obavezama i odgovornostima zaposlenika iz radnog odnosa,
- odlučuje o preraspodjeli radnog vremena nastavnika i saradnika na Univerzitetu,
- podnosi Upravnom odboru izvještaj o finansijskom poslovanju Univerziteta,
- naredbodavac je za izvršenje finansijskog plana,
- učestvuje u radu Rektorske konferencije,
- obavlja i druge poslove u skladu sa zakonom i Pravilima Univerziteta.

Za svoj rad i rezultate rada i finansijsko poslovanje Univerziteta, rektor je odgovoran Upravnom odboru.

Član 22.

Za rektora, prorektora, dekana i direktora organizacione jedinice Univerziteta ne može biti izabrano i imenovano lice koje ima funkciju u izvršnim organima političke partije ili organizacije koja je povezana sa političkom partijom.

Član 23.

Organ kontrole poslovanja Univerziteta je Nadzorni odbor.

Nadzorni odbor ima tri člana, od kojih je jedan predsjednik.

Predsjednika i članove Nadzornog odbora imenuje i razrješava Vlada Kantona u skladu sa zakonom.

Najmanje jedan član Nadzornog odbora imenuje se iz reda stručnih zaposlenika Univerziteta.

Predsjednik i članovi Nadzornog odbora imenuju se na period od četiri godine sa mogućnošću još jednog uzastopnog izbora.

Član 24.

Nadzorni odbor:

- analizira izvještaje o poslovanju Univerziteta,
- obavlja nadzor nad upotrebom sredstava za rad,
- pregleda godišnji izvještaj o poslovanju i godišnji obračun,
- pregleda i provjerava urednost i zakonitost vođenja poslovnih knjiga,
- izvještava osnivača, Upravni odbor i rektora o rezultatima nadzora.

VII AKTI UNIVERZITETA

Član 25.

Osnovni opći akt Univerziteta su Pravila Univerziteta. Univerzitet ima i druge opće akte u skladu sa zakonom i Pravilima Univerziteta.

Vlada Kantona daje saglasnost na Pravila Univerziteta.

Član 26.

Pravila Univerziteta sadrže odredbe o:

- nazivu i sjedištu,
- osnivaču,
- obavezama prema osnivaču,
- djelatnosti Univerziteta,
- načinu i uslovima obavljanja djelatnosti,

- pravima i obavezama organizacionih jedinica Univerziteta, koje imaju određena ovlaštenja u pravnom prometu prema trećim licima,
- općim aktima i načinu njihovog donošenja,
- odnosu prema korisnicima usluga,
- statusnim promjenama,
- načinu raspoređivanja sredstava za rad,
- imenovanju i razrješenju rektora,
- drugim organima, njihovim pravima, obavezama i odgovornostima, uslovima i načinu njihovog izbora i razrješenja,
- licima ovlaštenim da, pored rektora, zastupaju Univerzitet, i njihovim ovlaštenjima i odgovornostima,
- licima ovlaštenim da zastupaju organizacionu jedinicu Univerziteta, koja imaju određena ovlaštenja u pravnom prometu sa trećim licima i njihovim ovlaštenjima i odgovornostima,
- načinu ostvarivanja javnosti rada,
- drugim pitanjima od značaja za rad Univerziteta i za ostvarivanje prava i obaveza zaposlenih na Univerzitetu, u skladu sa zakonom i drugim propisima.

Član 27.

Univerzitet ima stručne i druge organe, u skladu sa zakonom i Pravilima Univerziteta.

Pravilima Univerziteta određuje se sastav, broj članova i nadležnost stručnih i drugih organa Univerziteta.

VIII NADZOR

Član 28.

Nadzor nad zakonitošću rada Univerziteta vrši resorno ministarstvo.

IX PRELAZNE I ZAVRŠNE ODREDBE

Član 29.

Organi rukovođenja, upravljanja i nadzora fakulteta i Studentskog centra u Zenici, obavljaju poslove iz svoje nadležnosti do imenovanja organa upravljanja, rukovođenja i nadzora u skladu sa zakonom i Pravilima Univerziteta, a najduže šest mjeseci od stupanja na snagu ovog zakona.

Član 30.

Upravni odbor Univerziteta će donijeti Pravila Univerziteta i akt o unutrašnjoj organizaciji i sistematizaciji radnih mjesta, u roku od 90 dana od dana stupanja na snagu ovog zakona.

Član 31.

Zatečene zaposlenike fakulteta iz člana 5. ovog zakona i zaposlenike Studentskog centra u Zenici preuzet će Univerzitet i rasporediti na odgovarajuća radna mjesta u skladu sa općim aktima Univerziteta.

Član 32.

U roku od šest mjeseci od stupanja na snagu ovog zakona uredit će se odnosi između Univerziteta i Metalurškog instituta "Kemal Kapetanović" u Zenici.

Član 33.

Ovaj zakon predstavlja osnivački akt za upis Univerziteta u sudski registar i akt za brisanje iz sudskog registra Univerziteta u Zenici, fakulteta iz člana 5. ovog zakona i Studentskog centra u Zenici, kao pravnih subjekata, u skladu sa zakonom.

Član 34.

Univerzitet će donijeti opće akte u skladu sa zakonom i ovim zakonom u roku od šest mjeseci od dana stupanja na snagu ovog zakona.

Član 35.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-13166/05

Zenica, 29.04.2005. godine

PREDSEDavajući

Besim Spahić, s.r.

113.

Na osnovu člana 147. Poslovnika Skupštine Zeničko-dobojskog kantona, ("Službene novine Zeničko-dobojskog kantona", broj: 4/05), a po izvršenom savjetovanju Budžeta Zeničko-dobojskog kantona za 2005. godinu, ("Službene novine Zeničko-dobojskog kantona", broj: 5/05) sa Izvornikom Budžeta Zeničko-dobojskog kantona za 2005. godinu, broj: 01-14-9897/05 od 01.04.2005. godine, uočena je štamparska greška, te se daje sljedeća

ISPRAVKA

I

U članu 2. Budžeta Zeničko-dobojskog kantona za 2005. godinu ("Službene novine Zeničko-dobojskog kantona"), broj: 5/05, iza grupe "A. PRIHODI" treba da stoji:



306

SKUPŠTINA

Na osnovu člana 37. tačka f. Ustava Zeničko-dobojskog kantona, Skupština Zeničko-dobojskog kantona, na 46. sjednici održanoj 22.09.2006. godine, donijela je

**ZAKON
O IZMJENAMA I DOPUNAMA ZAKONA O
JAVNOJ USTANOVI UNIVERZITET U ZENICI**

Član 1.

U Zakonu o Javnoj ustanovi Univerzitet u Zenici ("Službene novine Zeničko-dobojskog kantona", broj: 06/05), u članu 6. stav 1. alineja 3., riječ: "i" zamjenjuje se zarezom, a iza riječi: "Studentski centar u Zenici" tačka se zamjenjuje zarezom i dodaju se nove alineje koje glase:

- Ekonomski fakultet u Zenici,
- Pravni fakultet u Zenici,
- Zdravstveni fakultet u Zenici,
- Metalurški Institut "Kemal Kapetanović" u Zenici".

Član 2.

U članu 12. stav 1. iza alineje 21. dodaje se nova alineja 22. koja glasi:

"-Djelatnost biblioteka".

Iza stava 1. dodaje se stav 2. koji glasi:

"U okviru registrovane djelatnosti, Univerzitet može obavljati djelatnost proizvodnje u manjim serijama proizvoda odnosno predmeta koji su rezultat naučnoistraživačkog rada odnosno stručnog rada organizacionih jedinica".

Član 3.

Član 32. briše se.

Član 4.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-20049/06
25.09.2006. godine
Zenica

PREDSJEDAVALAČI
Besim Spahić, s.r.

307

Na osnovu člana 30., stav 1., Zakona o visokom obrazovanju ("Službene novine Zeničko-dobojskog kantona", broj: 05/05), Skupština Zeničko-dobojskog kantona, na 46. sjednici, održanoj 22.09.2006. godine, donijela je

**ODLUKU
o usvajanju Elaborata o
društveno-ekonomskoj opravdanosti
organizovanja Metalurškog Instituta „Kemal
Kapetanović“ d. o. o. Zenica u
naučnoistraživački institut kao organizacione
jedinice Univerziteta u Zenici**

Član 1.

Usvaja se Elaborat o društveno-ekonomskoj opravdanosti organizovanja Metalurškog Instituta „Kemal Kapetanović“ d.o.o. Zenica, u naučnoistraživački institut kao organizacione jedinice Univerziteta u Zenici.

Član 2.

Odluka stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-38-20047/06
Datum, 25.09.2006. godine
Zenica

PREDSJEDAVALAČI
Besim Spahić, s.r.

308

Na osnovu člana 37., tačka f., Ustava Zeničko-dobojskog kantona, Skupština Zeničko-dobojskog kantona, na 46. sjednici, održanoj 22.09.2006. godine, donijela je

**ODLUKU
o preuzimanju prava i obaveza osnivača nad
Metalurškim institutom
"Kemal Kapetanović" d.o.o. Zenica**

Član 1.

Zeničko-dobojski kanton preuzima prava i obaveze osnivača nad Ml. "Kemal Kapetanović" d.o.o. Zenica

80.

Na osnovu člana 37. stav 1. tačka f. Ustava Zeničko-dobojskog kantona, Skupština Zeničko-dobojskog kantona, na 28. sjednici, održanoj 31.03.2009. godine, donosi:

ZAKON O IZMJENAMA I DOPUNAMA ZAKONA O JAVNOJ USTANOVI UNIVERZITET U ZENICI

Član 1.

U Zakonu o Javnoj ustanovi Univerzitet u Zenici („Službene novine Zeničko-dobojskog kantona“, broj: 6/05 i 11/06) u članu 7. u stavu 1. riječ: „Pravilima“ zamjenjuje se riječju: „Statutom“, kao i u preostalom tekstu Zakona u odgovarajućem padežu.

Član 2.

U članu 11. riječi: „Islamska pedagoška akademija“ u odgovarajućim padežima zamjenjuje se riječima: „Islamski pedagoški fakultet“.

Član 3.

Član 12. mijenja se i glasi:

„Djelatnost Univerziteta je:

- visoko obrazovanje;
- obrazovanje odraslih i ostalo obrazovanje;
- studentski domovi;
- istraživanje i eksperimentalni razvoj u prirodnim naukama;
- istraživanje i eksperimentalni razvoj u tehničkim naukama;
- istraživanje i eksperimentalni razvoj u društvenim naukama;
- istraživanje i eksperimentalni razvoj u humanističkim naukama;
- istraživanje i eksperimentalni razvoj u biotehničkim naukama;
- istraživanje i eksperimentalni razvoj u biomedicini i zdravstvu;
- istraživanje i eksperimentalni razvoj u umjetnosti;
- ostali pravni poslovi;
- računovodstveni, knjigovodstveni i revizioni poslovi, savjetodavni poslovi u vezi poreza;
- istraživanje tržišta i ispitivanje javnog mnijenja;
- poslovni i menadžment konsalting;
- arhitektonske i inženjerske djelatnosti i tehničko savjetovanje;
- tehničko ispitivanje i analiza;

- pružanje konsultantskih usluga u vezi s računarskom opremom (hardware);
- ostale konsultantske usluge i izrada software-a;
- obrada podataka;
- izrada i upravljanje bazama podataka;
- ostale srodne računarske djelatnosti;
- izdavanje knjiga;
- izdavanje novina;
- izdavanje časopisa i periodičnih publikacija;
- izdavanje zvučnih zapisa;
- ostala izdavačka djelatnost;
- umjetničko i književno stvaralaštvo i scenska umjetnost;
- djelatnost biblioteka;
- rad sportskih objekata i stadiona;
- kantine.

U okviru registrirane djelatnosti Univerzitet u Zenici može obavljati djelatnost proizvodnje u manjim serijama proizvoda, odnosno predmeta, koji su rezultat naučnoistraživačkog rada, odnosno stručnog rada organizacionih jedinica.“

Član 4.

U članu 15. u stavu 2. na kraju teksta iza riječi „Univerziteta“ dodaju se riječi: „u skladu sa zakonom“.

Član 5.

U članu 16. brišu se stavovi 1. i 2.

Član 6.

U nazivu V. poglavlja, riječ „UPRAVLJANJE“ zamjenjuje se riječima: „ORGANI UNIVERZITETA“.

Član 7.

Iza naziva V. poglavlja dodaje se novi član „17.“ koji glasi:

„Organi Univerziteta su:

- Upravni odbor;
- Senat;
- Rektor.

Univerzitet može imati i druga stručna tijela, odnosno tijela za vođenje poslovanja, čije se osnivanje, sastav i nadležnost uređuju Statutom ili drugim općim aktom.

Obaveza svih organa upravljanja, rukovođenja, nadzora i drugih organa Univerziteta je da u postupku izbora i imenovanja osiguraju odgovarajuću spolnu zastupljenost.

Terminološko korištenje muškog ili ženskog spola, u ovom zakonu, podrazumijeva uključivanje oba spola.

Dosadašnji član „17.“, postaje član „17.a“.

Član 8.

U dosadašnjem članu 17. stav 2. mijenja se i glasi:

„Konačno imenovanje i razrješenje predsjednika i članova Upravnog odbora vrši Vlada Kantona u skladu sa zakonom.“

U istom članu u stavu 3. iza riječi: „izbora“ dodaju se riječi: „u javnoj i transparentnoj proceduri konkursa.“

U istom članu stav 4. mijenja se i glasi: „Rektor, prorektor, direktor visoke škole kao i članovi Senata ne mogu biti članovi Upravnog odbora.“

Član 9.

Član 18. mijenja se i glasi:

„Upravni odbor Univerziteta ima sedam članova i čine ga četiri člana iz reda osnivača, dva člana iz reda akademskog osoblja i jedan član iz reda studenata.

Kandidate iz reda akademskog osoblja i reda studenata predlaže Senat u skladu sa zakonom i Statutom, u javnoj i transparentnoj proceduri javnog konkursa.

Predsjednik Upravnog odbora javne visokoškolske ustanove imenuje se iz reda osnivača.“

Član 10.

Član 19. mijenja se i glasi:

„Upravni odbor Univerziteta (u daljem tekstu: Upravni odbor) odgovoran je za poslovanje Univerziteta.

Upravni odbor obavlja poslove utvrđene zakonom i Statutom Univerziteta, a naročito:

- donosi Statut Univerziteta uz prethodnu saglasnost osnivača, te donosi opći akt o unutrašnjoj organizaciji i sistematizaciji radnih mjesta, kao i druge opće akte u skladu sa zakonom i Statutom Univerziteta;
- donosi odluku o osnivanju drugih pravnih lica u skladu sa zakonom i Statutom Univerziteta, uz prethodnu saglasnost osnivača;
- utvrđuje planove finansiranja i razvoja;
- donosi godišnji program rada Univerziteta na prijedlog Senata Univerziteta;
- donosi finansijski plan;
- usmjerava, kontrolira i ocjenjuje rad rektora u domenu finansijskog poslovanja;
- rješava pitanja odnosa sa osnivačem;
- odlučuje o korištenju sredstava za rad u skladu sa Statutom Univerziteta;
- odgovara osnivaču za rezultate rada Univerziteta;
- odlučuje o prigovoru zaposlenika na odluke organa Univerziteta koji su u prvom stepenu odlučivali o pravima, obavezama i odgovornostima zaposlenika iz radnog odnosa;
- najmanje jedanput godišnje podnosi osnivaču izvještaj o poslovanju Univerziteta;

- donosi konačnu odluku o izboru i razrješenju direktora Studentskog centra;
- obavlja i druge poslove u skladu sa zakonom i Statutom Univerziteta.“

Član 11.

Iza člana 19. dodaju se novi članovi „19.a“ i „19.b“ koji glase:

„Član 19.a

Odgovornost za akademska pitanja ima Senat kao akademsko tijelo Univerziteta, koje čine predstavnici akademskog osoblja u radnom odnosu, kao i predstavnici studenata.

Senat Univerziteta odlučuje o svim akademskim pitanjima, a posebno:

- odlučuje o pitanjima nastavne, naučne, umjetničke i stručne djelatnosti Univerziteta;
- donosi Etički kodeks, kojim se utvrđuju etička načela u visokom obrazovanju, objavljivanju naučnih rezultata, odnosu prema intelektualnoj svojini, odnosima između nastavnika i saradnika, drugih zaposlenih i studenata, odnosu prema javnosti i sredstvima javnog informiranja, i uopće o nastupanju visokoškolske ustanove, nastavnika, saradnika i studenata u pravnom prometu;
- donosi opće akte u skladu sa zakonom i Statutom Univerziteta;
- donosi nastavne planove i nastavne programe diplomskog, postdiplomskog i doktorskog studija;
- donosi konačne odluke o izboru i razrješenju rektora i prorektora Univerziteta, uz prethodnu saglasnost Vlade Kantona;
- donosi konačne odluke po prigovoru kandidata za izbor i razrješenje dekana i prodekana, kao i direktora instituta;
- bira akademsko osoblje na prijedlog naučno-nastavnog vijeća, odnosno naučnog vijeća organizacione jedinice;
- imenuje komisije u postupku stjecanja doktorata nauka;
- dodjeljuje počasno zvanje „profesor emeritus“, te „počasni doktor nauka“;
- daje inicijativu Upravnom odboru za organiziranje i ukidanje fakulteta i drugih organizacionih jedinica Univerziteta, kao i studijskih odsjeka;
- odobrava razvojne i organizacione planove;
- imenuje stalna ili privremena tijela, radne grupe, komite, grupe za praćenje kvaliteta rada i slično;
- propisuje odredbe kojima se regulira rad organa koje imenuje Senat;
- utvrđuje upisnu politiku;
- obavlja i druge poslove u skladu sa zakonom i Statutom Univerziteta.

Član 19.b

Senat Univerziteta odlučuje o akademskim pitanjima na prijedlog stručnih tijela organizacionih jedinica, kao i drugih tijela Univerziteta i predstavničkih tijela studenata.

Bliže odredbe o broju članova, sastavu, mandatu, i načinu rada Senata utvrđuju se Statutom Univerziteta.

Senat ima predsjedavajućeg koji priprema i predsjedava sjednicama.

Predsjedavajući se bira iz reda članova Senata, s tim da rektor i prorektori ne mogu biti imenovani za predsjedavajućeg.

Rad Senata biće ureden Poslovníkom o radu kojeg donosi Senat u roku od 30 dana od dana stupanja na snagu ovog zakona."

Član 12.

Iza dosadašnjeg člana 19. naziv poglavlja: „VI RUKOVODENJE“ briše se, a preostali naslovi poglavlja umanjuju se za jedan broj.

Član 13.

Član 20. mijenja se i glasi:

„Univerzitetom rukovodi rektor u skladu sa zakonom i Statutom Univerziteta.

Rektor se bira na mandat od četiri godine i može biti ponovo izabran.

Ista osoba može se imenovati na dva uzastopna mandata.

Rektora Univerziteta bira Senat, na osnovu javnog konkursa, uz prethodnu saglasnost Vlade Kantona.

Za rektora može biti izabran nastavnik u naučno-nastavnom i umjetničko-nastavnom zvanju redovnog profesora koji ispunjava uvjete za to zvanje na Univerzitetu.

Bliže odredbe o postupku izbora i razrješenja, te razlozima za smjenu rektora Univerziteta prije isteka mandata, poslovima, odgovornostima i ostalim pitanjima koja se odnose na funkciju rektora Univerziteta utvrđuju se Statutom Univerziteta."

Član 14.

Član 21. mijenja se i glasi:

„Rektor Univerziteta za svoj rad u domenu akademskih pitanja odgovara Senatu, a u domenu poslovanja Upravnom odboru.

Rektor Univerziteta obavlja poslove utvrđene zakonom i Statutom Univerziteta, a naročito:

- zastupa i predstavlja Univerzitet;
- organizira i rukovodi radom Univerziteta, i odgovoran je za zakonitost rada;
- predlaže opće i donosi pojedinačne akte u skladu sa za-

konom i Statutom Univerziteta:

- predlaže Upravnom odboru i Senatu mjere za unapređenje rada Univerziteta;
- predlaže Upravnom odboru mjere za djelotvorno i zakonito obavljanje djelatnosti Univerziteta;
- predlaže Upravnom odboru, Senatu i osnivaču osnovne planova rada i razvoja Univerziteta;
- predlaže Upravnom odboru unutrašnju organizaciju i sistematizaciju radnih mjesta;
- izvršava odluke Upravnog odbora i drugih tijela Univerziteta;
- odlučuje o korištenju sredstava do iznosa utvrđenog Statutom Univerziteta;
- odlučuje o pravima, obavezama i odgovornostima zaposlenika iz radnog odnosa;
- podnosi Upravnom odboru izvještaj o izvršenju finansijskog plana;
- naredbodavac je za izvršenje finansijskog plana;
- učestvuje u radu Rektorske konferencije Bosne i Hercegovine;
- obavlja i druge poslove u skladu sa zakonom i Statutom Univerziteta."

Član 15.

Iza člana 21. dodaju se novi članovi „21.a“, „21.b“, „21.c“, „21.d“, „21.e“, „21.f“, „21.g“, „21.h“ i „21.i“, koji glase:

„Član 21.a

Rektoru u radu pomažu prorektori.

Broj prorektora, nadležnosti, uvjeti i postupak izbora i razrješenja prorektora bliže se uređuje Statutom Univerziteta.

Član 21.b

Stručno tijelo fakulteta, odnosno umjetničke akademije je naučno-nastavno, odnosno umjetničko-nastavno vijeće (u daljnjem tekstu: vijeće).

Vijeće čine nastavnici i predstavnici saradnika, koji su u radnom odnosu u organizacionoj jedinici i koji učestvuju u naučno-nastavnom procesu na fakultetu, odnosno umjetničkoj akademiji, kao i predstavnici studenata u skladu sa Statutom Univerziteta.

Vijeće ima predsjedavajućeg koji priprema i predsjedava sjednicama.

Predsjedavajući se bira iz reda članova vijeća, s tim da dekan i prodekani ne mogu biti imenovani za predsjedavajućeg.

Rad vijeća biće ureden poslovnikom o radu kojeg donosi vijeće u roku od 30 dana od dana stupanja na snagu ovog zakona.

Vijeće u okviru svoje nadležnosti:

- daje mišljenje i prijedloge dekanu o akademskim, naučnim, umjetničkim i stručnim pitanjima u skladu sa Statutom Univerziteta;
- daje prijedloge Senatu u vezi sa promjenama u strukturi i sadržaju studijskih programa i nastavnim metodama;
- predlaže nastavni plan i program za organizacionu jedinicu, kao dio integralnog nastavnog plana i nastavnog programa Univerziteta;
- bira i razrješava dekana i prodekane fakulteta, odnosno umjetničke akademije;
- bira predstavnika u Senat Univerziteta;
- utvrđuje prijedlog komisija koje se obrazuju u postupku stjecanja naučnog stepena doktora nauka;
- imenuje komisije za provođenje postupka stjecanja naučnog, odnosno umjetničkog stepena magistra;
- utvrđuje prijedlog za izbor kandidata u naučno-nastavna, umjetnička i nastavna zvanja;
- obavlja i druge poslove u skladu sa Statutom Univerziteta i drugim općim aktima.

Bliže odredbe o nadležnostima vijeća utvrđuju se Statutom Univerziteta.

Član 21.c

Organ rukovođenja fakulteta, odnosno umjetničke akademije je dekan.

Dekan obavlja poslove utvrđene zakonom i Statutom Univerziteta, a naročito:

- predstavlja fakultet, odnosno umjetničku akademiju i ima prava i obaveze u skladu sa Statutom Univerziteta;
- predlaže rektoru unutrašnju organizaciju i sistematizaciju radnih mjesta na fakultetu;
- donosi pojedinačne akte u skladu sa zakonom i Statutom Univerziteta;
- odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom na fakultetu/umjetničkoj akademiji;
- za svoj rad odgovara naučno-nastavnom, odnosno umjetničko-nastavnom vijeću;
- obavlja i druge poslove utvrđene zakonom i Statutom Univerziteta.

Član 21.d

Dekan se bira na mandat od četiri godine i može biti ponovo izabran.

Ista osoba se može imenovati na dva uzastopna mandata u istoj organizacionoj jedinici.

Dekana bira naučno-nastavno, odnosno umjetničko-nastavno vijeće, a na osnovu javnog konkursa.

Za dekana može biti izabran nastavnik u naučno-na-

stavnom i umjetničko-nastavnom zvanju redovnog ili vanrednog profesora ukoliko ispunjava uvjete za to zvanje na Univerzitetu.

Bliže odredbe o postupku izbora i razrješenja, te razlozima za smjenu dekana fakulteta, odnosno umjetničke akademije prije isteka mandata, poslovima, odgovornostima i ostalim pitanjima koja se odnose na funkciju dekana utvrđuju se Statutom Univerziteta.

Za svoj rad dekan je odgovoran naučno-nastavnom, odnosno umjetničko-nastavnom vijeću.

Član 21.e

Stručno tijelo naučnog instituta je naučno vijeće.

Naučno vijeće instituta čine šefovi podorganizacionih jedinica instituta i zaposlenici instituta sa naučnim stepenom doktora i magistra nauka.

Naučno vijeće ima predsjedavajućeg koji priprema i predsjedava sjednicama.

Predsjedavajući se bira iz reda članova vijeća, s tim da direktor ne može biti imenovan za predsjedavajućeg.

Rad vijeća biće uređen poslovníkom o radu kojeg donosi vijeće u roku do 30 dana od dana stupanja na snagu ovog zakona.

Naučno vijeće u okviru svoje nadležnosti:

- predlaže Senatu Univerziteta programe naučnoistraživačkog i stručnog rada instituta i programe stručnog usavršavanja;
- bira i razrješava direktora;
- imenuje komisije za pripremanje prijedloga za izbor u naučna zvanja;
- utvrđuje prijedlog za izbor kandidata u naučna zvanja;
- utvrđuje prijedlog za stručno usavršavanje u zemlji i inostranstvu;
- utvrđuje prijedlog za realizaciju praktične nastave;
- utvrđuje naučnoistraživačke projekte;
- utvrđuje strateške projekte za razvoj instituta;
- obavlja i druge poslove u skladu sa Statutom i drugim općim aktima Univerziteta.

Bliže odredbe o nadležnostima naučnog vijeća utvrđuju se Statutom Univerziteta.

Član 21.f

Organ rukovođenja naučnog instituta je direktor.

Direktor naučnog instituta obavlja poslove utvrđene zakonom i Statutom Univerziteta, a naročito:

- predstavlja institut i ima prava i obaveze u skladu sa Statutom Univerziteta;
- predlaže rektoru unutrašnju organizaciju i sistematizaciju radnih mjesta na institutu;
- donosi pojedinačne akte u skladu sa zakonom i Statutom Univerziteta;
- odlučuje u prvom stepenu o pojedinačnim pravima,

obavezama i odgovornostima zaposlenika iz radnog odnosa ili u vezi sa radnim odnosom na institutu;

- organizuje naučnoistraživački i stručni rad na institutu i predlaže mjere za njegovo poboljšanje;
- za svoj rad odgovara naučnom vijeću;
- obavlja i druge poslove u skladu sa zakonom i Statutom Univerziteta.

Član 21.g

Direktor se bira na mandat od četiri godine i može biti ponovo izabran.

Ista osoba se može imenovati na dva uzastopna mandata.

Direktora bira naučno vijeće, a na osnovu javnog konkursa.

Za direktora instituta može biti izabrano lice koje pored općih zakonskih uvjeta ima naučni stepen doktora nauka i izbor u jedno od naučno-nastavnih zvanja (redovnog ili vanrednog profesora) ukoliko ispunjava uvjete za to zvanje na Univerzitetu.

Bliže odredbe o postupku izbora i razrješenja, te razlozima za smjenu direktora instituta prije isteka mandata, poslovima, odgovornostima i ostalim pitanjima koja se odnose na funkciju direktora, utvrđuju se Statutom Univerziteta.

Član 21.h

Organ rukovođenja Studentskog centra je direktor.

Direktor Studentskog centra obavlja poslove utvrđene zakonom i Statutom Univerziteta, a naročito:

- predstavlja Studentski centar i ima prava i obaveze u skladu sa Statutom Univerziteta;
- predlaže rektoru unutrašnju organizaciju i sistematizaciju radnih mjesta u Studentskom centru;
- donosi pojedinačne akte u skladu sa zakonom i Statutom Univerziteta;
- odlučuje u prvom stepenu o pojedinačnim pravima, obavezama i odgovornostima zaposlenika iz radnog odnosa ili u vezi sa radnim odnosom u Studentskom centru;
- predlaže promjenu i proširivanje djelatnosti i organizacije Studentskog centra;
- predlaže mjere za poboljšanje i unapređenje procesa rada u Studentskom centru;
- za svoj rad odgovara rektoru Univerziteta;
- obavlja i druge poslove u skladu sa zakonom i Statutom Univerziteta.

Član 21.i

Direktor se bira na mandat od četiri godine i može biti ponovo izabran.

Ista osoba se može imenovati na dva uzastopna man-

data.

Direktora bira Upravni odbor, a na osnovu javnog konkursa.

Za direktora Studentskog centra može biti izabrano lice koje pored općih zakonskih uvjeta ima visoku stručnu spremu, najmanje tri godine radnog iskustva na odgovarajućim rukovodećim poslovima.

Bliže odredbe o postupku izbora i razrješenja, te razlozima za smjenu direktora Centra prije isteka mandata, poslovima, odgovornostima i ostalim pitanjima koja se odnose na funkciju direktora utvrđuju se Statutom Univerziteta."

Član 16.

Članovi 23. i 24. se brišu, pa dosadašnji član 25. postaje član 23., a slijedeći članovi se umanjuju za dva broja.

Član 17.

Član 25. mijenja se i glasi:

„Statut je osnovni opći akt Univerziteta kojim se uređuju pitanja značajna za obavljanje djelatnosti Univerziteta.

Statutom se bliže uređuju:

- organizacija Univerziteta;
- zastupanje i predstavljanje Univerziteta;
- pravila za izbor članova Upravnog odbora;
- načini organiziranja i izvođenje studija;
- pravila studiranja i prava studenata;
- izbor u nastavno-naučna i saradnička zvanja;
- način implementacije Evropskog sistema prenosa bodova (u daljem tekstu: ECTS);
- kriteriji za dodjelu akademskih titula;
- obaveze Univerziteta prema osnivaču;
- ovlaštenja Univerziteta u pravnom prometu;
- organizacija i nadležnosti organizacionih jedinica;
- statusne promjene, obrazovanje novih organizacionih jedinica i studijskih odsjeka;
- ostvarivanje prihoda, upravljanje sredstvima i imovinom;
- akademska, finansijska i druga ovlaštenja organizacionih jedinica u pravnom prometu;
- organizacija naučnoistraživačkog i umjetničkog rada;
- kriteriji za provođenje procesa evaluacije i objavljivanje rezultata provedene evaluacije;
- broj članova Senata i način njihovog biranja;
- oblik i nivo učešća studenata u radu ustanove;
- način izjašnjavanja i donošenja odluka po pojedinim pitanjima, kao i preciziranje odluka koje se mogu donositi tajnim glasanjem;
- druga pitanja u skladu sa zakonom.

Univerzitet ima i druge opće akte u skladu sa zakonom i Statutom Univerziteta."

Član 18.

Član 26. mijenja se i glasi:

„Statut Univerziteta donosi Upravni odbor Univerziteta uz prethodnu saglasnost osnivača.

Izmjena i dopuna Statuta Univerziteta vrši se na način i u postupku predviđenom za donošenje Statuta.“

Član 19.

Član 29. mijenja se i glasi:

„Predsjednik i članovi Upravnog odbora, rektor i prorektori Univerziteta, dekan i prodekan fakulteta, direktori instituta i centra izabrani na funkciju prije stupanja na snagu ovog zakona ostaju na istoj dužnosti do isteka mandata na koji su izabrani.

Mandat osoba iz stava 1. ovog člana, računaju se kao prvi mandat i iste osobe mogu biti ponovo birane na iste dužnosti ukoliko ispunjavaju uvjete predviđene zakonom.“

Član 20.

Član 30. mijenja se i glasi:

„Upravni odbor Univerziteta će donijeti Statut Univerziteta i uskladiti druge opće akte Univerziteta sa ovim zakonom u roku od šest mjeseci od dana njegovog stupanja na snagu.“

Član 21.

Članovi 31. i 32. se brišu, dosadašnji član 33. postaje član 31. a slijedeći članovi se umanjuju za dva broja.

Član 22.

U članu 34. iza riječi „donijeti“, riječi: „opće akte“ zamjenjuju se riječima: „Statut i druge opće akte“.

Član 23.

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o izmjenama i dopunama Zakona o Javnoj ustanovi Univerzitet u Zenici.

Član 24.

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona.“

Broj: 01-02-8664/09

Datum: 01.04.2009. godine

Zenica

PREDSJEDAVAJUĆI

Sejad Zaimović, s.r.

VLADA**81.**

Na osnovu člana 16. stav 1. Zakona o Vladi Zeničko-dobojskog kantona („Službene novine Zeničko-dobojskog kantona“, broj: 16/00, 7/05 i 4/06), te člana 7. stav 1. i člana 8. stav 3. Zakona o prikupljanju, proizvodnji i prometu sekundarnih sirovina i otpadnih materijala („Službene novine Federacije Bosne i Hercegovine“, broj: 35/98), Vlada Zeničko-dobojskog kantona, na 113. sjednici, održanoj 13.03.2009. godine, d o n o s i

UREDBU**O NAČINU PRIKUPLJANJA, ODLAGANJA, RAZVRSTAVANJA I OBAVLJANJA OTKUPA OTPADNIH MATERIJALA****DIO PRVI – OPĆE ODREDBE****Član 1.
(Predmet)**

Ovom uredbom uređuje se način prikupljanja, odlaganja, razvrstavanja i obavljanja otkupa otpadnih materijala na području Zeničko-dobojskog kantona (u daljem tekstu: Kanton).

**Član 2.
(Obim primjene)**

Odredbe ove uredbe se odnose na sva pravna i fizička lica registrovana za prikupljanje, odlaganje, razvrstavanje i obavljanje otkupa otpadnih materijala na području Kantona.

DIO DRUGI – PRIKUPLJANJE, ODLAGANJE I RAZVRSTAVANJE OTPADNIH MATERIJALA**Član 3.
(Prikupljanje, odlaganje i razvrstavanje otpadnih materijala)**

Pravna i fizička lica registrovana za prikupljanje, odlaganje, razvrstavanje i obavljanje otkupa otpadnih materijala pri obavljanju djelatnosti dužna su postupati u skladu sa Uredbom o selektivnom prikupljanju, pakovanju i označavanju otpada („Službene novine Federacije Bosne i Hercegovine“, broj: 38/06).



Godina XVI - Broj 10

ZENICA, ponedjeljak, 08.08.2011.

SKUPŠTINA

236.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 10. sjednici, održanoj 27.07.2011. godine, donosi:

**ZAKON
O IZMJENI ZAKONA O JAVNOJ USTANOVI
UNIVERZITET U ZENICI**

Član 1.

U Zakonu o Javnoj ustanovi Univerzitet u Zenici („Službene novine Zeničko-dobojskog kantona“ broj: 6/05, 11/06 i 6/09), u članu 12., stav 1., mijenja se i glasi:

„Djelatnost Univerziteta je:

- Visoko obrazovanje;
- Obrazovanje i podučavanje u području sporta i rekreacije;
- Obrazovanje i podučavanje u području kulture;
- Ostalo obrazovanje i poučavanje, d.n.;
- Pomoćne uslužne djelatnosti u obrazovanju;
- Izvođačka umjetnost;
- Pomoćne djelatnosti u izvođačkoj umjetnosti;
- Umjetničko stvaralaštvo;
- Djelatnost biblioteka i arhiva;
- Rad sportskih objekata;
- Pomoćne usluge u šumarstvu;
- Ostala prerađivačka industrija, d.n.;
- Ostali smještaj;
- Ostale djelatnosti pripreme i usluživanja hrane;
- Izdavanje knjiga;
- Izdavanje imenika i popisa korisničkih adresa;
- Izdavanje novina;
- Izdavanje časopisa i periodičnih publikacija;

- Štampanje i uslužne djelatnosti u vezi sa štampanjem;
- Umnožavanje snimljenih zapisa;
- Ostala izdavačka djelatnost;
- Izdavanje računarskih igara;
- Izdavanje ostalog softvera;
- Djelatnost snimanja zvučnih zapisa i izdavanja muzičkih zapisa;
- Emitiranje radijskog programa;
- Emitiranje televizijskog programa;
- Računarsko programiranje;
- Savjetovanje u vezi sa računarima;
- Upravljanje računarskom opremom i sistemom;
- Ostale uslužne djelatnosti u vezi s informacionom tehnologijom i računarima;
- Obrada podataka, usluge hostinga i djelatnosti u vezi s njima;
- Internetski portali;
- Pravne djelatnosti;
- Računovodstvene, knjigovodstvene i revizijske djelatnosti; porezno savjetovanje;
- Odnosi s javnošću i djelatnosti priopćavanja;
- Savjetovanje u vezi s poslovanjem i ostalim upravljanjem;
- Arhitektonske djelatnosti;
- Inženjerske djelatnosti i s njima povezano tehničko savjetovanje;
- Tehničko ispitivanje i analiza;
- Istraživanje i eksperimentalni razvoj u biotehnologiji;
- Ostalo istraživanje i eksperimentalni razvoj u prirodnim, tehničkim i tehnološkim naukama;
- Istraživanje i eksperimentalni razvoj u društvenim i humanističkim naukama;
- Istraživanje tržišta i ispitivanje javnog mnijenja;
- Fotografске djelatnosti;
- Ostale stručne, naučne i tehničke djelatnosti, d.n.“

Član 2.

Zakon stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-02-19500/11.
Datum, 28.07.2011. godine
Zenica

PREDSJEDAVAJUĆI
Miralem Galijašević, s.r.
.....

237.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 10. sjednici održanoj dana 27.07.2011. godine, donosi

ZAKON
O DOPUNI ZAKONA
O RASELJENIM LICIMA I POVRATNICIMA

Član 1.

U Zakonu o raseljenim licima i povratnicima („Službene novine Zeničko-dobojskog kantona“, broj: 6/06 i 10/08). u članu 3. iza stava (3) dodaje se stav (4) koji glasi:

„(4) Povratnici u smislu ovog Zakona koji se ponovo nastanjuju na svoje ranije prebivalište u Republici Srpskoj, zadržavaju stečeni status i nakon isteka roka od šest mjeseci računajući od dana povratka, a prava koja će im se osigurati utvrdit će se Odlukom Vlade Zeničko-dobojskog kantona.“

Član 2.

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-19501/11
Datum, 28.07.2011. godine
Zenica

PREDSJEDAVAJUĆI
Miralem Galijašević, s.r.
.....

238.

Na osnovu člana 37. stav 1. tačka f) Ustava Zeničko-dobojskog kantona i člana 1. stav 2. Zakona o Javnoj ustanovi Univerzitet u Zenici („Službene novine Zeničko-dobojskog kantona“, broj: 6/05, 11/06 i 6/09), kao i članova 25. i 64. Zakona o visokom obrazovanju („Službene novine Zeničko-dobojskog kantona“, broj: 6/09), Skupština Zeničko-dobojskog kantona na 10. sjednici, održanoj 27.07.2011. godine, donosi

ODLUKU
o organizovanju Politehničkog fakulteta Univerziteta u
Zenici

Član 1.
(Predmet Odluke)

Ovom odlukom organizuje se Politehnički fakultet kao organizaciona jedinica Javne ustanove Univerzitet u Zenici.

Član 2.
(Početak rada)


Politehnički fakultet može početi s radom nakon što Ministarstvo za obrazovanje, nauku, kulturu i sport izda rješenje o ispunjenosti uvjeta za početak rada i obavljanje djelatnosti.

Član 3.
(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-38-19502/11.
Datum, 28.07.2011. godine
Zenica

PREDSJEDAVAJUĆI
Miralem Galijašević, s.r.
.....



SLUŽBENE NOVINE

ZENIČKO - DOBOJSKOG KANTONA

Godina XVI - Broj 16

ZENICA, petak, 23.12.2011.

SKUPŠTINA

424.

Na osnovu člana 37. stav 1. tačka f) Ustava Zeničko-dobojskog kantona. Skupština Zeničko-dobojskog kantona, na 15. sjednici održanoj 30.11.2011. godine, donosi:

ZAKON O IZMJENI I DOPUNI ZAKONA O JAVNOJ USTANOVI UNIVERZITET U ZENICI

Član 1.

U Zakonu o Javnoj ustanovi Univerzitet u Zenici („Službene novine Zeničko-dobojskog kantona“ broj: 6/05, 11/06, 6/09 i 10/11), u članu 6., u stavu 1., iza riječi „Metalurški institut „Kemal Kapetanović“ u Zenici“, tačka se zamjenjuje zarezom i dodaje se nova alineja koja glasi:
„- Politehnički fakultet u Zenici.“

Član 2.

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o Javnoj ustanovi Univerzitet u Zenici.

Član 3.

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj:01-02-29925/11
Datum, 01.12.2011. godine
Z e n i c a

PREDSJEDAVAJUĆI
Miralem Galijašević, s.r.

425.

Na osnovu člana 21. Zakona o pravobranilaštvu („Službene novine Zeničko-dobojskog kantona“ broj 14/08), Skupština Zeničko-dobojskog kantona na 15. sjednici održanoj dana 30.11.2011. godine, donijela je

O D L U K U

o potvrđivanju imenovanja zamjenika Kantonalnog pravobranioca Zeničko-dobojskog kantona

I.

Potvrđuje se imenovanje **Kliko Sedada**, diplomiranog pravnika iz Zenice, za zamjenika Kantonalnog pravobranioca Zeničko-dobojskog kantona, izvršeno Rješenjem Premijera Zeničko-dobojskog kantona, broj: 02-34-28941/11 od 17.11.2011. godine.

II.

Imenovani će dužnost preuzeti dana 01.12.2011. godine.

III.

Odluka stupa na snagu danom donošenja i objavit će se u „Službenim novinama Zeničko-dobojskog kantona“ i „Službenim novinama Federacije BiH“, zajedno sa Rješenjem iz tačke I. ove Odluke.

Broj: 01-34-29930/11
Datum, 01.12.2011. godine
Z e n i c a

PREDSJEDAVAJUĆI
Miralem Galijašević, s.r.

Na osnovu člana 21. Zakona o pravobranilaštvu („Službene novine Zeničko-dobojskog kantona“, broj: 14/08), a u vezi s članom 12. Zakona o ministarskim, vladinim i drugim imenovanjima („Službene novine Federacije Bosne i Hercegovine“, broj: 12/03), na prijedlog ministra Ministarstva za pravosuđe i upravu Zeničko-dobojskog kantona Premijer Zeničko-dobojskog kantona, donosi

ODLUKU

**o davanju saglasnosti na finansiranje
studijskog programa Arapski jezik i
književnost na Islamskom pedagoškom
fakultetu, pridruženoj članici
Univerziteta u Zenici**

Član 1.

Daje se saglasnost na finansiranje studijskog programa Arapski jezik i književnost na Islamskom pedagoškom fakultetu, pridruženoj članici Univerziteta u Zenici.

Član 2.

Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 01-14-22521/12
Datum, 19.10.2012. godine
Zenica

PREDSJEDAVAJUĆI
Sretko Radišić, s.r.

468.

Na osnovu člana 6. Odluke o izmjenama i dopunama Odluke o izboru stalnih radnih tijela Skupštine („Službene novine Zeničko-dobojskog kantona“, broj: 14/12) i člana 44. stav 1. tačka d) Poslovnika Skupštine Zeničko-dobojskog kantona-Noví prečišćeni tekst („Službene novine Zeničko-dobojskog kantona“, broj: 7/12). Zakonodavno-pravna komisija Skupštine Zeničko-dobojskog kantona, na 29. sjednici, održanoj 17.10.2012. godine, utvrdila je Prečišćeni tekst Odluke o izboru stalnih radnih tijela Skupštine.

Prečišćeni tekst Odluke o izboru stalnih radnih tijela Skupštine obuhvata: Odluku o izboru stalnih radnih tijela Skupštine („Službene novine Zeničko-dobojskog kantona“, broj: 4/11), Odluku o izmjenama Odluke o izboru stalnih radnih tijela Skupštine („Službene novine Zeničko-dobojskog kantona“, broj: 7/11), Odluku o izmjenama Odluke o izboru stalnih radnih tijela Skupštine („Službene novine Zeničko-dobojskog kantona“, broj: 14/11), Odluku o izmjenama Odluke o izboru stalnih radnih tijela Skupštine („Službene novine Zeničko-dobojskog kantona“, broj: 15/11).

Na osnovu člana 37. stav 1. tačka f) Ustava Zeničko-dobojskog kantona, a u vezi sa članovima 138., 139. i 140. Zakona o visokom obrazovanju („Službene novine Zeničko-dobojskog kantona“, broj: 6/09) i članom 11. Zakona o javnoj ustanovi Univerzitet u Zenici („Službene novine Zeničko-dobojskog kantona“, broj: 6/05, 11/06, 6/09, 10/11 i 16/11). Skupština Zeničko-dobojskog kantona, na 28. sjednici, održanoj 18.10.2012. godine, donosi

SKUPŠTINA

431.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 47. sjednici, održanoj dana 03.12.2013. godine, donosi:

Z A K O N
O IZMJENAMA I DOPUNAMA ZAKONA O
VISOKOM OBRAZOVANJU

Član 1.

(Dopuna člana 17. - Elaborat o osnivanju visokoškolske ustanove)

U Zakonu o visokom obrazovanju („Službene novine Zeničko-dobojskog kantona“, broj: 6/09 i 9/13), u članu 17., dodaje se novi stav (6), koji glasi: „Akademska godina, u pravilu počinje u mjesecu oktobru tekuće godine“.

Član 2.

(Dopuna člana 51. - Djelokrug upravnog odbora)

U članu 51., tačka a), iza dijela teksta koji glasi: „donosi statut visokoškolske ustanove“, dodaje se tekst: „donosi akt kojim se utvrđuje način obračuna plaća i drugih primanja u javnoj visokoškolskoj ustanovi“, a preostali dio tačke a) ostaje nepromijenjen.

Član 3.

(Izmjena člana 71. - Mandat direktora instituta)

U članu 71., stav (3), mijenja se i glasi:

„Za direktora instituta može biti izabrano lice koje pored općih zakonskih uvjeta ima naučni stepen doktora nauka i izbor u jedno od naučno-nastavnih zvanja (redovni profesor, vanredni profesor, docent), odnosno naučnih zvanja (naučni savjetnik, viši naučni saradnik, naučni saradnik), ukoliko ispunjava uvjete za to zvanje na visokoškolskoj odnosno naučnoj ustanovi“.

Član 4.

(Izmjena člana 140. -Sredstva za izvođenje studijskih programa)

U članu 140., stav (4), mijenja se i glasi:

„Akt kojim se utvrđuje način obračuna plaća i drugih primanja u javnoj visokoškolskoj ustanovi donosi upravni odbor ustanove, uz prethodnu saglasnost Vlade Kantona.“

Član 5.

(Stupanje na snagu)

Zakon stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-02-25417/13

Datum, 03.12.2013. godine

Zenica

PREDSJEDAVAJUĆI**Sretko Radišić, s.r.**

432.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 47. sjednici, održanoj dana 03.12.2013. godine, donosi:

Z A K O N
o izmjenama i dopuni Zakona o Javnoj ustanovi
Univerzitet u Zenici

Član 1.

(Dopuna člana 19.)

U Zakonu o Javnoj ustanovi Univerzitet u Zenici („Službene novine Zeničko-dobojskog kantona“, broj: 6/05, 11/06, 6/09, 10/11, 16/11 i 15/12), u članu 19., stav 2., alineja 1., iza dijela teksta koji glasi: „donosi Statut Univerziteta“, dodaje se tekst koji glasi: „kao i akt kojim se utvrđuje način obračuna plaća i drugih primanja u javnoj visokoškolskoj ustanovi“, a preostali dio stava 2. alineja 1. ostaje nepromijenjen.

Član 2.

(Dopuna člana 21.d)

U članu 21.d, u stavu 4, iza dijela teksta koji glasi: „Za dekana može biti izabran nastavnik u naučno-nastavnom zvanju redovnog ili vanrednog profesora“ dodaje se tekst koji glasi: „ili docenta“, a preostali dio teksta stava 4. ostaje nepromijenjen.

Član 3.

(Izmjena člana 21.g)

U članu 21.g, stav 4., mijenja se i glasi:

„Za direktora instituta može biti izabrano lice koje pored općih zakonskih uvjeta ima naučni stepen doktora nauka i izbor u jedno od naučno-nastavnih zvanja (redovni profesor, vanredni profesor, docent), odnosno naučnih

zvanja (naučni savjetnik, viši naučni saradnik, naučni saradnik), ukoliko ispunjava uvjete za to zvanje na Univerzitetu“.

Član 4.

(Stupanje na snagu)

Zakon stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-02-25418/13
Datum, 03.12.2013. godine
Zenica

PREDSJEDAVAJUĆI

Sretko Radišić, s.r.

433.

Na osnovu člana 37. stav 1. tačka f. Ustava Zeničko-dobojskog kantona, Skupština Zeničko-dobojskog kantona na 47. sjednici održanoj dana 03.12.2013. godine, d o n o s i:

Z A K O N

O SOCIJALNO- NEPROFITNOM STANOVANJU ZENIČKO-DOBOJSKOG KANTONA

DIO PRVI – OSNOVNE ODREDBE

Član 1.

(Predmet zakona)

Ovim zakonom uređuju se uslovi za razvoj socijalno-neprofitnog stanovanja, način obezbjeđivanja i korištenja sredstava, način dodjele i korištenja stambenih jedinica, kao i druga pitanja od značaja za socijalno-neprofitno stanovanje u Zeničko-dobojskom kantonu (u daljem tekstu: Kanton).

Član 2.

(Socijalno-neprofitno stanovanje)

- (1) Socijalno-neprofitno stanovanje u smislu ovog zakona je stanovanje odgovarajućeg standarda koje se obezbjeđuje uz podršku Kantona, odnosno jedinice lokalne samouprave, domaćinstvima ili pojedincima koja iz socijalnih, ekonomskih i drugih razloga ne mogu da obezbijede stan po tržišnim uslovima.
- (2) Stanovanje odgovarajućeg standarda iz stava 1 ovog člana je stanovanje koje je u skladu sa načelima: zaštite javnog interesa; stabilnosti i trajnosti objekata;

zaštite zdravlja; zaštita lica sa posebnim potrebama; zaštite životne sredine; zaštite od prirodnih i drugih nesreća.

Član 3.

(Značenje pojmova)

Pojmovi upotrebljeni u ovom zakonu imaju slijedeće značenje:

- a) **Stan za socijalno-neprofitno stanovanje** u smislu ovog zakona je skup prostorija namjenjenih za stanovanje sa pomoćnim prostorijama koje, po pravilu, čine jednu građevinsku cjelinu i imaju zaseban ulaz, a koji se daje u zakup pod unaprijed utvrđenim uslovima korisnicima socijalno-neprofitnog stanovanja.
- b) **Zakupodavac** je vlasnik stana, odnosno lice koje predaje stan zakupcu na korištenje.
- c) **Zakupac** je lice koje koristi stan i za to plaća novčanu naknadu zakupodavcu.
- d) **Zakup stana** u smislu ovog zakona smatra se ugovor o zakupu stana za socijalno-neprofitno stanovanje prema kojem zakupodavac omogućuje zakupcu pravo nesmetanog korištenja stana radi zadovoljenja njegovih stambenih potreba, a zakupac se obavezuje da mu za to plaća određenu zakupninu tokom određenog perioda.
- e) **Korisnik socijalno-neprofitnog stanovanja** u smislu ovog zakona je lice koje nema riješeno stambeno pitanje, lice čiji smještaj ne zadovoljava odgovarajuće standarde iz člana 2. stav (2) ovog zakona i lice koje iz socijalnih, ekonomskih i drugih razloga ne može da obezbijedi stan po tržišnim uslovima.

DIO DRUGI – NAČIN RJEŠAVANJA STAMBENIH POTREBA

POGLAVLJE I - UVJETI ZA KORIŠTENJE SOCIJALNO-NEPROFITNOG STANOVANJA

Član 4.

(Opći uvjeti)

- (1) Pravo na rješavanje stambenih potreba, u skladu sa ovim zakonom, imaju lica koja u vlasništvu nemaju stan ili kuću, kao i lica bez stambene jedinice odgovarajućeg standarda, a iz prihoda koje ostvaruju ne mogu da obezbijede stan po tržišnim cijenama, pod uslovom da:

Član 33.**(Prestanak primjene)**

Danom stupanja na snagu ovog Zakona, stavlja se van snage Zakon o javno-privatnom partnerstvu („Službene novine Zeničko-dobojskog kantona broj 5/13).

Član 34.**(Stupanje na snagu)**

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-12203/16
Datum, 28.06.2016. godine
Z e n i c a

PREDSJEDAVAJUĆA**Draženka Subašić, s.r.****199.**

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 29. sjednici, održanoj 28.06.2016. godine, d o n o s i:

ZAKON**O IZMJENI ZAKONA O
JAVNOJ USTANOVI UNIVERZITET U ZENICI****Član 1.****(Izmjena člana 6. – Organizacione jedinice
Univerziteta u Zenici)**

U Zakonu o Javnoj ustanovi Univerzitet u Zenici („Službene novine Zeničko-dobojskog kantona“, broj: 6/05, 11/06, 6/09, 10/11, 16/11, 15/12 i 13/13), u članu 6., stav 1., alineja 7., riječ: „Zdravstveni“ zamjenjuje se riječju: „Medicinski“.

Član 2.**(Stupanje na snagu)**

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-12204/16
Datum, 28.06.2016. godine
Z e n i c a

PREDSJEDAVAJUĆA**Draženka Subašić, s.r.****200.**

Na osnovu člana 37. stav 1. tačka f) Ustava Zeničko-dobojskog kantona, a u vezi sa članom 25. Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), Skupština Zeničko-dobojskog kantona, na 29. sjednici, održanoj 28.06.2016. godine, d o n o s i:

ODLUKU**o usvajanju Elaborata o društveno-ekonomskoj
opravdanosti studijskog programa Lokalni ekonomski
razvoj i politika, drugog ciklusa studija, na
Ekonomskom fakultetu
Univerziteta u Zenici****Član 1.**

Usvaja se Elaborat o društveno-ekonomskoj opravdanosti studijskog programa Lokalni ekonomski razvoj i politika, drugog ciklusa studija, na Ekonomskom fakultetu Univerziteta u Zenici.

Član 2.

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-38-12205/16
Datum, 28.06.2016. godine
Z e n i c a

PREDSJEDAVAJUĆA**Draženka Subašić, s.r.****201.**

Na osnovu člana 37. stav 1. tačka f) Ustava Zeničko-dobojskog kantona, a u vezi sa članom 25. Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13 i 4/15), Skupština Zeničko-dobojskog kantona, na 29. sjednici, održanoj 28.06.2016. godine, d o n o s i: